



Inatsisartunut ilaasortaq
Andreas Uldum
Demokratit
-/maani

§ 36, immikkoortoq 1 naapertorlugu Peqqinnissaqarfimmi sulisunut inissiat pillugit apeqqummut akissuteqaat

Asasara Andreas Uldum

Inatsisartut suleriaasianni § 36, immikkoortoq 1 naapertorlugu apeqquteqaateqarsimavutit uunga tunngasumik:

Sulisut inissaannik attartornermut peqqinnissaqarfik qanoq amerlatigisunik aningaasartuuteqarpa aamma aningaasartuutit taakku ilaat qanoq amerlatigisut attartortitsisartunut namminersortunut tuttarpat?

Apeqquteqaatinnut Peqqinnissaqarfimmullu soqtiginninninnut qujavunga. Peqqinnissaqarfimmi aningaasartuutit annikillisinniarneqarnissaat sammineqartuaroq, aningaasat amerlanerit kalaallinut innuttaasunut peqqinnissakkut sullissinermi atornerarnissaat siunertaralugu. Aamma ininik attartornermut aningaasartuutit kiisalu taakku annikillisarneqarnissaat sammineqarportaaq.

Peqqinnissaqarfiup inissiaatai

Peqqinnissaqarfik nammineq atugassaminik INI-p inissiaataanik inissaateqarpoq, Peqqinnissaqarfiup utaqqiisigalugu inissiisarfinnut aningaasartuutaasa ikilisinneqarnissaat siunertaralugu, taakkulu ajornannginnerulersippaat sukkanerulersillugulu sulisut inissaviinut inissiisarneq.

Peqqinnissaqarfiup sulisussarsiortarneranut pingaarluinnarpoq sulisut inissianik akuerineqarsinnaasunik neqeroorfigisinnaanissaat. Tamanna naammassinnipallattussatut suliniuteqarnerup nalaani tikkuarneqarportaaq. Peqatigitillugu inissianik peqarnerup nassatarisimavaa Peqqinnissaqarfimmi utaqqiisigalugu inigisanut aningaasartuutit appartinneqarnerat. Taakkunanga utaqqiisigalugu inigisanut sipaarutit ilaat namminersortunit attartukkanut sipaarutaapput. Taanna sipaarut utaqqiisigalugu inigisanut aningaasartuutininik appartitsinermik nassataqassaaq, 2010-mut missingersuutinut ammut iluarsiiissutitut Inatsisartut aningaasanut inatsisissaannut tulluarsarlugu ilanngunneqareerpoq (34.01.03 Missingersuutinut iluarsiiissutit). Tapersiuttariaqarporli, pingaartumik Nuummi, nalinginnaasumik inissiat tungaasigut inissisimanerup nassatarimmagu namminersortunit attartornernik isumaqatigiissuteqartarnissap suli pisariaqartinneqarnera.

12. februar 2010
Sagsnr. 2010-025664
Dok. Nr. 306559

Postboks 1160
Tlf: 34 50 00
Fax: 32 55 05
3900 Nuuk
Email: pn@gh.gl
www.nanoq.gl

Peqqinnissaqarfik namminersortunit attartornernut Namminersorlutillu Oqartussat namminneq inissiaataannik attartornernut aningaasartuutunik immikkoortitsineq ajorpoq. Tamanna isumaqarpoq namminersortunit attartornerit Namminersorlutillu Oqartussanit attartornerit agguataarsimanerat paasiniarneqassappat bilaginik 2.437-nik ataasiakkaarlugit misissuisariaqarnissaq; § 36, immikkoortoq 1 naapertorlugu apeqqutip akinissaanut piffissarititaasup iluani taama annertutigisumik misissuinissaq ajoraluartumik ingerlanneqarsinnaanngilaq.

Illorsuit pingasut inissiarineqartussatut siunertaqartut maannakkorpiaq Peqqinnissaqarfimmumt sanaartorneqaleruttorput. Taamaalilluni Peqqinnissaqarfik inissianik 90-inik atugassaqalersussaavoq; inissiat siullit 30-t 1. august 2010-mi nutserfigineqarsinnaalissapput, tulliuttut 30-t 1. december 2010-mi kingulliillu nutserfigineqarsinnaalissapput 1. april 2011-mi. Sulisut inissianut nutaanut nutsernerat ilutigalugu inissiat namminersortunit attartukkat arlallit attartorunnaarneqassapput.

Inissiat piginneqatigiilluni inissiatut sanaartorneqassapput, Peqqinnissaqarfimmullu attartortinneqassallutik. Peqqinnissaqarfiillu inissiat sulisuminut taava attartortissavai. Inissiat nalinginnaasumik attartortagassaatinngit piginneqatigiilluni inissiatut sanaartorneqarnissaannik aalajangernerup kinguneraa inissianik amerlanerusunik sanasoqarsinnaanera, peqatigisaanilli inigisamut akiliut INI-p inissiaataanut akiliutaasartunit annertunerungaatsiartumik qaffasinnerussaaq. Naatsorsuutigineqarpoq inigisamut akiliut Namminersorlutik Oqartussat Tuapannguani inissiaataanisut qaffasitsigissasoq, tassa imaappoq assersuutigalugu inissiamut sisamanik initalimmut qaammammumt 8.506 kr.-it 9.685 kr.-illu akomanni akeqassasoq.

Dr. Ingridip Napparsimmavissuani, Peqqissaaveqarfinni Kigutilerisoqarfinnilu namminersortunit attartukkanut aningaasartuutit

Dr. Ingridip Napparsimmavissuani inissianik ingerlatsinermumt pisortamik atorfinitsitsisoqarsimavoq, taassumalu suliassarai attartukkanut akiliutigisassanik isumaqatigiinniartarnerit namminersortunillu attartortitsisartunit attartornermumt isumaqatigiissutunik aqutsineq. Kisiannili Peqqinnissaqarfik inissianut aningaasartuutimut kisimi aningaasalersuinngilaq. Arlallitsigumt najugaqartumt INI-p nalinginnaasumik akigitittagaanumt naapertuuttumik inigisaminnumt akiliisarput, tassa imaappoq ukiumumt 580 kr. m²-imut, sinneralu Peqqinnissaqarfiup akilertarpaa. Taama aqqiisimaneq paarlatsitumt sivikitsumik atorfeqartitanumt atuunneruvoq.

Dr. Ingridip Napparsimmavissuata inissianik attartornernumt ilanngaateqanngitsumik 2009-mi 4.245.958 kr.-it aningaasartuutigisimavai (ukiulli naanerani naatsorsuutit suli inarneqanngillat). Kisitsisini taakkunanani namminersortunit attartornerit INI-miillu attartornerit ilaappumt.

Nunap immikkoortuini immikkoortumi aqutsisumt ataasiakkaat, tassa imaappoq Peqqissaaveqarfimmi aqutsisumt kigutilerisoqarfimmilu aqutsisumt namminersortunit attartornissaq namminneq missingersuummik iluanni aalajangertarpaat. Peqqissaaveqarfiit kigutilerisoqarfiillu ataasiakkaat attartukkanumt aningaasartuutaat immikkoortitersimasumt tulliini takuneqarsinnaappumt. Uanilu eqqaaneqassaaq attartornermumt aningaasartuutit iluanniimmata INI-p inissiaataanik, namminersortumt inissiaataannik ininillu sullivissanik attartornernumt aningaasartuutit.

Sineriss. napp.	Tamakkerlugit
Maniitsoq	561.050
Sisimiut	540.743
Qaqortoq	530.027
Narsaq	408.469
Paamiut	398.220
Tasiilaq	348.296
Ilulissat	333.554
Qaanaaq	259.980
Nakorsiartarfik	226.948
Qasigiannugit	164.831
Uummannaq	149.052
Aasiaat	145.072
Nanortalik	141.130
Qeqertarsuaq	113.378
Ittoqqortoormiit	111.705
Upernavik	93.699
Pingaarnerit tamakkerlugit	4.526.152

Kigutileriffiit	Tamakkerlugit
Upernavik	200.113
Ilulissat	159.954
Sisimiut	132.967
Qaqortoq	106.829
Tasiilaq	91.607
Qitiusumik kigutileriffik	59.288
Paamiut	54.495
Qasigiannugit	48.648
Uummannaq	47.740
Maniitsoq	47.300
Nanortalik	38.910
Kangaatsiaq	26.899
Narsaq	3.000
Ataatsimut konto	2.400
Pingaarnerit tamakkerlugit	1.020.150

Inussiarnersumik inuulluaqqusillunga

Agathe Fontain